



Pou Piblikasyon Imedya: 31/08/2023

GOUVÈNÈ KATHY HOCHUL

GOUVÈNÈ HOCHUL ANONSE PWOGRÈ NAN OGMANTASYON AKSESIBILITE MTA

Estasyon Grand St L aksesib totalman kounye a, li tounen katriyèm estasyon ki totalman aksesib an 2023

Gen uit estasyon ki pral fini disi 2023; gen 30 estasyon ki an konstriksyon pou amelyorasyon nan aksesibilite yo

Gen 142 estasyon ki aksesib nan tout sistèm nan

Videyo konferans laprès ADA Grand St L la disponib [isit la](#)

Foto evènman ADA Grand St L la disponib [isit la](#)

Gouvènè Kathy Hochul ak Otorite Transpò Metropoliten (Metropolitan Transportation Authority, MTA) an te anonse jodi a akselerasyon achèvman pwojè sou aksesibilite yo atravè sistèm metwo Vil New York la avèk ouvèti yon lòt estasyon ki aksesib totalman, estasyon Grand St L nan Williamsburg, Brooklyn – katriyèm nan tout sistèm transpò publik la an 2023. Ouvèti a te swiv yon ete kote yo te fè pwogrè enpòtan sou amelyorasyon nan aksesibilite yo. Nan mwa jiyè, MTA te selebre Mwa Fyète Moun Andikape yo avèk yon seri [evènman](#) ak anons ki gen ladan ouvèti twa estasyon ki aksesib totalman: [Estasyon G Court Square](#) nan Queens, [estasyon Dyckman St 1](#) nan Upper Manhattan, ak [estasyon 8 Av N](#) nan Brooklyn.

"Estasyon Grand St L se egzanp ki pi resan nan travay di nou pou asire ke okenn Nouyòkè pa gen pou enkyete konsènan si yo kapab jwenn aksè nan transpò publik san danje", **Gouvènè Hochul te deklare**. "MTA pataje angajman nou pou pote amelyorasyon nan aksesibilite atravè Vil New York epi l ap kontinye fè efò pou rann transpò publik aksesib pou tout moun".

Vitès MTA ap bay kontra pou pwojè aksesibilite yo se senk fwa sa li te ye anvan 2020. MTA te bay kontra pou 13 estasyon an 2020, 10 estasyon an 2021, 13 estasyon an 2022, epi te deja anonse plan li pou bay kontra pou 17 estasyon nan fen ane a.

Pandan pi gwo pandemi COVID-19 la lè kantite pasaje yo diminye anpil, MTA te priyorez reyalize plis amelyorasyon nan aksesibilite nan metwo a lè li te konplete 15 pwojè sou aksesibilite. Apre anons jodi a, gen 142 estasyon aksesib ak 30 estasyon an konstriksyon pou amelyorasyon nan aksesibilite, uit ladan yo ta dwe fini nan fen 2023. Estasyon sa yo se:

- 181 St
- Tremont Av
- E 149 St
- Lorimer St
- Metropolitan Av
- 7 Av
- Beach- 67 St
- New Dorp

Prezidan ak Direktè Egzekitif Jeneral MTA, Janno Lieber, te deklare, "Lè sa gen pou wè ak aksesibilite, MTA respekte yon angajman san parèy – tou de an dola oswa kantite estasyon – epi n ap kontinye ale nan menm vitès ak nivo envestisman jiskaske nou rive nan aksesibilite total".

Prezidan Transpò Piblik Vil New York la, Richard Davey, te deklare, "Nou kontan akeyi kliyan Brooklyn L yo nan nouveau estasyon aksesib yo, ki te amelyore tou avèk yon travay atistik an mozayik ki bèl ki fèk enstale ke yon atis lokal nan Brooklyn te fè. Sa a se te yon ete ki te ranpli ak etap enpòtan sou aksesibilite nan sistèm nan, soti nan oryantasyon amelyore pou kliyan ki gen andikap yo rive nan yon kantite estasyon metwo ki fèk aksesib. Nou pral kontinye ak elan sa a, epi mwen espere selebre plizyè estasyon ki pi aksesib k ap ouvri nan fen ane 2023".

Prezidan Kontriksyon ak Developman MTA a, Jamie Torres-Springer, te deklare, "Estasyon ki fèk aksesib tankou Grand St L se fwi efò nou pou egzekite pwojè yo pi byen, pi vit ak pi bon mache atravè metòd livrezon inovatè tankou regwouzman kontra. Nou sou wout pou nou konplete pake amelyorasyon ADA sa a ki gen uit estasyon, ki pral amelyore aksesibilite anpil pa sèlman nan Williamsburg men nan tout sistèm transpò piblik nou an".

Direktè Aksesibilite ak Konseye Prensipal MTA, Quemuel Arroyo, te deklare, "Mwen fyè pou m rejwenn kòlèg MTA m yo nan ouvri de nouveau asansè nan estasyon Grand St L, sa ki fè li se premye estasyon aksesib nan East Williamsburg, pandan avanti a ap kontinye pou rann transpò piblik pi aksesib pou tout moun, ki gen ladan pasaje ki gen andikap, gramoun aje, fanmi ki gen pousèt ak vizitè yo. Sa gen jis plis pase yon ane, MTA te rejwenn defansè aksesibilite yo pou selebre yon antant ki te afime nou tout angaje nan objektif pataje pou elají aksesibilite atravè sistèm metwo nou an, epi ki kontinye konkretize, yon estasyon alafwa".

Pwojè aksesibilite estasyon Grand St L te jwenn finansman atravè ssibvansyon Administration Transpò Federal (Federal Transit Administration, FTA) epi li te konplete

kòm yon pati nan yon pake konsepsyon-konstriksyon ki gen uit estasyon nan tout sistèm metwo a, premye pake sa a ke MTA Construction & Development (C&D) te antreprann pou pote amelyorasyon nan aksesibilite ki pi bon, pi vit ak pi bon mache. Yo prevwa rès estasyon nan pake sa a ap ouvri pita ane sa a.

Nan mwa jen, nan kad pake konsepsyon-konstriksyon sou aksesiblite estasyon an, MTA Arts & Design te anonse nouvo travay atistik an mozayik ke atis Glendale Medina te kòmande, *Gratitudes Off Grand*. Travay ki dekoule de li a gen fòm jeyometrik ki gen koulè vif—sèk, lozanj, kare, ak rektang ki reflete pratik atis la ki enspire nan kilti ak mizik Taïno, hip-hop ak Latino. Travay atistik Medina a konsantre tou sou fason moun kreye sans nan mond lan tankou fason sèvo òganize modèl yo. Pou plis detay sou zèv sa a, klike [isit la](#).

Plan Kapital MTA 2020-2024 la gen ladan yon envestisman istorik 5.2 milya dola pou rann 67 estasyon metwo ADA aksesib, plis pase nenpòt plan kapital nan istwa MTA a ak plis pase twa dènye plan kapital yo ansanm. Anplis de sa, Otorite a ap reyalize pwojè aksesibilite yo nan yon vitès san parèy, li konplete 21 estasyon ADA depi 2020, de fwa kantite estasyon ADA ki te konplete nan sis ane anvan yo.

Nan mwa jiyè, MTA te kòmanse deplwaye nouvo karakteristik oryantasyon inovatè atravè [11 estasyon metwo](#) ak 24 arè sou liy bis M60 lan nan Manhattan. Zouti sa yo gen ladan yo:

- Otokolan atè sou platfòm metwo yo ki endike zòn anbakman aksesib;
- Kat taktil liy metwo a pou kliyan ki gen andikap vizyèl;
- Siyalizasyon oryantasyon NaviLens. NaviLens se yon aplikasyon ki sèvi ak kòd inik, menm jan ak kòd QR, pou bay konsèy odyo ak vizyèl pou jwenn wout ak enfòmasyon sou sitiyasyon arive, nan plis pase 40 lang. Yo te teste aplikasyon an nan ane 2019 nan estasyon Jay St-MetroTech ak sou liy otobis M23.

Reprezantant Nydia M. Velázquez, te deklare, "Mwen felisite MTA pou angajman yo pran pou ogmante aksesibilite nan estasyon metwo yo atravè vil la. Aksè nan transpò publik ki fyab se yon nesesite pou anpil Nouyòkè, epi nouvo estasyon metwo Grand St L nan Williamsburg ki aksesib totalman an pral ede asire moun yo pa rete dèyè akòz andikap yo. Mwen pa ka tann pou m kontinye travay pou asire transpò publik Vil New York aksesib pou tout moun".

Senatè Eta Julia Salazar te deklare, "Enstalasyon asansè ki konfòm ak ADA yo nan estasyon Grand St. se yon amelyorasyon ki nesesè epi ki byenvini ki pral bay plizyè milye vwazen nou yo aranjman yo bezwen pou navige nan Vil la. Mwen remèsyé MTA paske li koute kominate nou an konsènan bezwen pou transpò publik aksesib la".

Manm Asanble, Emily Gallagher, te deklare, "Moun ki gen tout kalite kapasite fizik yo gen menm dwa pou yo jwenn aksè nan sistèm transpò publik nou an men sa pa t reyalite a depi twò lontan. Avèk ouvèti nouvo asansè yo nan estasyon Grand Street L,

MTA se yon pa pi pre pou akonpli obligasyon li. Mwen remèsyé tout moun paske yo te travay avèk anpil dilijans pou rive fè sa".

Manm Asanble Maritza Davila te deklare, "Pandan plizyè milye Nouyòkè ap vwayaje chak jou nan metwo a, li enpòtan anpil pou nou travay pou rann sistèm transpò publik yo pi aksesib. Se yon bèle bagay pou nou wè ke asansè tren L yo konfòm ak ADA epi pwojè a fini. Sa pral benefisyé yon anpil nan vwayajè ki abite nan vwazinaj la, espesyalman nan yon kote ki gen anpil trafik a pye. Menmsi gen plis travay ki pou fèt, objektif final la se fè sistèm metwo nou yo vin an sekirite, pwòp, efikas ak aksesib pou tout moun".

Manm Konsèy Jennifer Gutierrez, te deklare, "Mwen kontan dèské pwojè ADA estasyon Grand Street L la te fini, epi li make yon etap enpòtan nan elaji enklizivite ak aksesibilite nan katye nou an. Mwen rekonesan anpil anvè kominate lokal la pou pasyans ak konpreyansyon yo, ansanm ak defans yo nan tout pwojè esansyèl sa a".

Prezidan Minisipalite Brooklyn Ian, Antonio Reynoso, te deklare, "Anons jodi a se yon rezon pou selebrasyon. Aksesibilite se libète, epi pwojè ADA tankou sa a se yon bagay esansyèl pou pèmèt moun ki rete Brooklyn yo deplase nan minisipalite nou an fasil epi alèz. Mwen kontan dèské asansè sa yo finalman fonksyonèl, epi mwen espere kontinye travay ak MTA pou konstwi yon rezo transpò publik ki priyorize ekite ak enklizivite".

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418

[ANILE ENSKRIPSYON OU](#)